

**EKALESIA FA'APOTOPOTOGA KERISIANO
I AMERIKA SAMOA**

**'AU LEOLEO
TUSI FAILOTU
2024**



"IA TATALO MA MATAALA"

UPU TOMUA

E le uma lo tatou agaga faafetai i lo tatou Leoleo Sili, ina ua ta'ita'i manuia mai la tatou folauga i lenei tausaga, ua aulia manuia mai ai lenei tausaga fou 2024. O ona manuia sa ia liligi ma sasa'a fa'a'ua mai mo i tatou o aso uma, e ao ai ona le galo i le tagata fa'atuatua lana fa'amanu, i lo tatou Atua o manuia. E le galo foi tigā ma mafatiaga sa tatou feagai, a ua avea puapuaga e faamalosi au, ma fāgua lo tatou ola tatalo. Faamalo i le punonou ma nono manū i le Atua, auā lana Ekalesia ma le 'au fa'atuatua; aemaise le feagai o le lalolagi ma puapuaga eseese, ua tatou fetaia'i pea o aso uma. O la le aposetolo: "Ia outou finafinau i le tatalo, ia mataala i lea mea ma le faafetai." (Kol.4:2)

Le Ekalesia e ma le 'au fa'atuatua uma, ia tatou fa'amalolosi i la tatou galuega tatalo i aso uma. Auā o lea ua tatou fesootai ai i luma o le Atua, i o tatou faiva ma galuega, e ui ina tatou le fevaa'i a'i.

E avea foi lenei avanoa, e momoli ai le faafetai i le Matagaluega i Sisifo, i lau Susuga i le Toeaina Faigatā Manase, ma le Susuga i le Faifeau Tafaiematagi Muasau, o le Teutupe a le Mafutaga a le Au Leoleo, mo le tusi failotu o lenei tausaga. E ui ina ua fai i lagi le folauga a le Auauna ia Tafaiematagi Muasau, ma ua fa'amavae mai i lana toe galuega mo le Komiti ma le Ekalesia EFKAS, ae fa'afetai i le Atua i taleni na fa'aaogaina i ai le Feagaiga. Fa'amaise ma fa'amafanafana le Atua i le fanau ma āiga, fa'apea le Ekalesia i Vaitogi. O le upu fa'amanuia a le Alii i le auauna faamaoni: "Amuia lea auauna, pe a sau lona alii e maua o loo faapea ona fai." (Luk.12:43)

Ia manuia le folauga a le Ekalesia ma Mafutaga Tatalo a le Au Leoleo i lenei tausaga.

Soifua,



Kereti Fai'ai FT

Peresitene Mafutaga Au Leoleo

Ianuari 06, 2024

Tusi Faitau – Salamo 103:1-5

Matua: f.1 – *“Lo’u agaga e, ia e fa’amanu atu i le Alii, o mea uma foi o i totonu ia te a’u, ia fa’amanu i lona suafa paia.”*

AUTU: “IA MATUĀ VIIA LE ATUA”

Tatalo Fa’afetai:

- Ia foi ma tumau lava le viiga i le Atua, i lana pule fa’asoifua ua tatou aulia ai lenei Tausaga Fou.
- E ui i le tele o fa’afitauli sa tau asa mai i lena tausaga, a o lana puipuiiga ua saogalemu ai lo tatou ola.

Tatalo Fa’atoesega:

- Fa’amagalo i tatou o lana fanau, ina ua galo pea ona fa’afoi le viiga i le Atua e le aunoa.
- Fa’amaulalo i le tele o vaivaiga sa tatou ola ai, mai lena Tausaga Tuai.

Tatalo Manaoga:

- Ia fa’atumauina pea lana taitaiga ma lona alofa, i le tau amata o le folauga i lenei Tausaga Fou.
- Tatalo ia mamao ni mala ma ni mailei, e lamatia ai la tatou faigamalaga.

Ianuari 13

Tusi Faitau – Iopu 2:1-10

Matua: f.10 – *“Ua tatou talia mea lelei mai le Atua, ae tatou te le talia ea ma mea leaga?”*

AUTU: “E MAMALU LE ATUA, INA UA TATOU ONOSAI”

Tatalo Fa’afetai:

- Ia tatou fa’afetaia le Atua, ona o lona mamalu ua aumai ai le onosai i o tatou tagata, tatou te onosai ai e galulue ma le filiga, e fa’amamalu pea lona suafa paia.
- Ona o le lava onosai o Iesu Keriso, na ia aumaia le fa’aolataga mo le lalolagi uma.

Tatalo Fa’atoesega:

- Fa’amagalo i lo tatou le lavā onosai, i le tautuaina o lona finagalo paia i le lalolagi.

- Fa'atoese i le Atua, ina ua tatou le fa'aaao i le onosai na onosai ai Keriso, i ona puapuaga ma faigata.

Tatalo Manaoga:

- Ia aoaoina i tatou ia maua le onosai ma le fa'apalepale, e tautuaina pea le Atua ma lona Finagalo.
- Ia taua pea lo tatou fa'amamaluina o le Atua, i le onosai e ta'uta'u ma talai pea lona finagalo alofa i le lalolagi.

Ianuari 20

Tusi Faitau – Ioane 13:13-20

Matua: f.18 – *“E le o outou uma ou te fai atu ai, ua ou iloa i latou na ou filifilia; a e peitai ia taunuu ai le Tusi, O lē ‘ai fa’atasi ma a’u ua aa mai o ia te a’u i lona mulivae.”*

AUTU: “TUUINA ATU I LE ATUA O TATOU OLA”

Tatalo Fa'afetai:

- Ina ua tatou iloa ma le mautinoa, o le tuuina atu i le Atua o lo tatou ola o le manuia lea fa'avavau.
- Fa'afetai i avanoa ua saunia mo i tatou uma, e tuuina atu ai lo tatou ola ina ia aoga mo le Atua ma lana galuega.

Tatalo Fa'atoesega:

- Ona ua le tonu le tuuina atu o o tatou ola ia te Ia, ona o le fai ma o ese soo pea ma lona finagalo.
- Ona o le fiafia e tuuina atu ma fa'amuamua i lo tatou ola, nisi mea lē aoga o le lalolagi, ae galo ai le Atua.

Tatalo Manaoga:

- Ina ia lē faigofie ona tatou pau'u atu i fa'aosoosoga o le olaga ma tatou sē ese ai ma le finagalo o le Atua.
- Ina ia tatou fa'amalolosi ma tutumau i ala o le Alii, ina ia lē faigofie ai ona apo i tatou i ala o le Alii o lenei olaga.

Ianuari 27

Tusi Faitau – Mataio 18:15-20

Matua: f.19 – *“Ou te fai atu foi ia te outou, Afai e le loto gatasi se toalua o outou o i le lalolagi i se mea la te ole atu ai, e faia lea mo i laua e lo'u Tama o i le lagi.”*

AUTU: “O LE TĀUA O LE OLA FETAUSIA’”

Tatalo Fa'afetai:

- Ia fa'afetaia aoaoga ua tuuina mai mo le tagata, i le taua o le soifua fetausiai e manuia ai gasologa o le soifuaga.
- I lona agaga ua maua ai le fefa'asoai I le alofa o le Atua, e fealofani ma maua ai le filemu I sootaga fa'a-uso.

Tatalo Fa'atoesega:

- Fa'amagalo i lo tatou lē ola fetausiai, a ua faia lava le loto o le tagata, ma manatu ifo i lona lava lelei ae galo ai le uso.
- Fa'amamā mai i amio lē tonu i lau silafaga, ae faia ni loto mamā, e maua ai pea le fealolofa'a'i o lana fanau.

Tatalo Manaoga:

- Fa'atumauina i finagalo ma loto o le Ekalesia, le ola fetausiai e manuia ai le galuega ua tofofiina ai i tatou.
- Ia le o na o upu, a ia ola i le fetausiai o le tasi I le tasi, e maopopo ma lelei ai mea uma tatou te fai.

Fepuari 03, 2024

Tusi Faitau – Ioane 14:15-24

Matua: f. 20-21 – *“O lea aso e iloa ai e outou, ou te i totonu o lo'u Tama; o outou foi o i totonu ia te a'u, o a'u foi o i totonu ia te outou.”*

AUTU: “A'OA'OINA I LE FINAGALO O LE ATUA”

Tatalo Fa'afetai:

- I lou finagalo lea ua aoaoina ai i matou, ua matou maua ai le lelei ma le mautinoa, i fa'amanuiaga o le ola.
- Viia le a'oa'oina pea o le tagata i lou finagalo, e tonu ai ma sa'o mea uma matou te fai, lea na fa'aalia ai ia Keriso Iesu lou lava finagalo tonu, e ao ina savavali ma ola ai tagata uma.

Tatalo Fa'atoesega:

- Pe a fai ua lē olaina e le matou ola, a'oa'oga ua uma ona tuuina mai o le finagalo moni o le Atua.
- Ua fa'amuamua i le soifua a'oa'oina o lau fanau, ae le manatu i le aoaoina o i matou i le finagalo o le Atua.

Tatalo Manaoga:

- Ia fa'alauatele pea lo matou iloa, i le taua o le a'oa'oina o i matou i le finagalo moni o le Atua.

- Ia fa’alautele pea le iloa, i lou finagalo ua saoloto ma filemu ai mea uma, aemaise o fa’amanuiaga ua talisapaia i le iloa ma olaina o le ola, i le atoatoa o le finagalo o le Atua.

Fepuari 10

Tusi Faitau – Iosua 1: 1-12

Matua: f.2 – *“Ua oti Mose la’u auauna, o lenei foi inā e tulai atu ia, ia sopoia atu le loritana lena, o oe, atoa ma lenei nuu uma.”*

AUTU: “SOPO’IA FAIGATA O LE OLA”

Taatalo Fa’afetai:

- E ui i faigata o le olaga, ae o loo aao taitaiina pea i tatou e le alofa o le Atua.
- Fa’afetai i le foai mai pea o le loto tele, e tauivi ai ma fita o le olaga. E iai pea le mana o le Atua ma lona Agaga Paia, e fa’amalosi mai i o tatou tagata.

Tatalo Fa’atoesega:

- Ina ua solomuli gofie pe a lutia i faigata o le soifuaga. Ua le maua ai le fa’atuatua i le Atua, o la lava e mafutaina i tatou.
- Fa’amagalo le fa’avaivai ma le palaai, e fesagai ma faigata tali o le soifuaga, auā e mautinoa o loo iai le Atua e malolosi ai.

Tatalo Manaoga:

- Ia fa’alototeleina pea lau Ekalesia, e sopoia faigata o le olaga pe a fetaiai.
- Ia o ma le mautinoa, o loo iai aao mafanafana o le Atua o le ola, e saogalemu ai mea uma.

Fepuari 17

Tusi Faitau – Salamo 37:1-11

Matua: f.11 – *“A o ē agamalu, e fai mo latou le nuu; e fa’afiafia foi i latou ia te i latou ona o le manuia e tele.”*

AUTU: “FA’ATOILALOINA LE LEAGA”

Tatalo Fa’afetai:

- Ia fa’afetaia le mana o le Agaga Paia, o le fesoasoani e musu-musuina o tatou tagata, ina ia fa’atoilaloina le leaga.
- I le fa’amalosi mai o le Atua i le tagata, o le uunaia foi lea o fa’amoemoega ina ia manumalo le lelei i le leaga.

Tatalo Fa'atoesega:

- Ina ua tatou fiafia pea i le leaga, ma faia pea le agasala i lo tatou ola, ua fai ma ala ua toilalo ai pea le ola ona o tuinanauga o le lalolagi.
- Fa'amagalo le fa'atuatuaana'i o lou finagalo, ua matou pa'u'u ai fa'aososoga a le fili.

Tatalo Manaoga:

- Ia taua pea i o matou loto, ia toilalo lava le leaga i le lelei. Ia fa'ataua pea le ola lelei i aso uma, e atagia lava lou finagalo alofa i le lalolagi.
- Ina ia amata atu i lau Ekalesia, ona fa'atino lou alofa tunoa, ma ia savavali tonu ai i taimi uma.

Fepuari 24

Tusi Faitau – Efeso 2: 1-10

Matua: f.10 – *“Auā o lana lava galuega i tatou, na faia i tatou ia Keriso Iesu, ina ia faia galuega lelei, na saunia anamua e le Atua, ina ia tatou savavali ai.”*

AUTU: “O MEA UMA UA FAIA MO LE LELEI”

Tatalo Fa'afetai:

- Ona o mea uma ua faia e le Atua, ua faia mo le lelei o le tagata. Ua iloa i le fa'ataotoga o lau foafoaga, ua maua ai e tagata uma ma le lalolagi, fa'amanuiaga o le ola.
- E viia ai le galuega o le fa'aolataga na saunia e Iesu Keriso, o le mea sili ua faia e le Atua, mo le lelei o Lana Ekalesia, tainane le lalolagi atoa.

Tatalo Fa'atoesega:

- Ina ua lē fa'aogaina ma le tatau, mea lelei na faia e Keriso mo le tagata. A ua fai ai foi le tagata ma fa'aleaga mea, i mea lelei na faia mo i tatou.
- Fa'amama i le lē fa'aogaina ma le tatau, mea na faia mo le lelei o le olaga.

Mati 02, 2024

Tusi Faitau – Mataio 25: 31-46

Matua: f.40 – *“Ona tali atu ai lea o le Tupu, e fa'apea atu ia te i latou, E moni, ou te fai atu ia te outou, auā na faia e outou i le tasi o e aupito itiiti o o'u uso nei, o a'u lea na outou faia iai.”*

AUTU: “IA AUAUNA ATU”

Tatalo Fa’afetai:

- I le tofia o i tatou ma ana mea faigaluega, ina ia tatou auauna atu e ala i lona finagalo, ma molimau le alofa ma le agalelei o le Atua i aso uma.
- I le fa’aogaina o i tatou o tagata tautua, ina ia fa’asoa atu lona alofa e ala i sa ta auaunaga. O le soifua o Keriso, o le fa’ata’i-ta’iga sili o le ola auauna atu, e fa’afetaia ai pea e le aunoa.

Tatalo Fa’atoesega:

- Ina ua vaivai le ola auauna atu, ina ua maua i tatou i le fa’apalapala ma le fa’apaie.
- Fa’amagalo le manumalo pea o le alii o le lalolagi i o tatou loto, ua le atoa ai lo tatou ola auauna atu.

Tatalo Manaoga:

- Foai mai pea le loto tele ma le loto mau, e fa’atino ai ia auauna atu.
- Ia manatua pea i loto o le Au Fa’atuatua, e lē se mea fa’aleaoga lo latou tautiga mo le Atua ma lona finagalo. Ia auauna atu ma le fa’amaoni, ia iloa ai e le lalolagi uma, le Ekalesia ma lana fa’atuatuaga i le Atua amiotonu.

Mati 09

Tusi Faitau – Mareko 8: 31-38

Matua: f.34 – *“Ona valaau atu lea o ia i le motu o tagata, atoa ma ona soo, ua fetalai atu ia te i latou, “Ai se fia mulimuli mai ia te a’u, ia fa’a-fiti o ia ia te ia ma ave e ia lona satauro, i le mulimuli mai ai ia te a’u.”*

AUTU: “O LE MANUIA O LO TATOU VALAAUINA”

Tatalo Fa’afetai:

- E fa’afetaia lo tatou valaauina, ina ia fai i tatou ma tagata mulimulitai ia Iesu ma lona agalelei.
- I le fa’aילוaina o le manuia o lo tatou valaauina, ua manino ai ma malamalama, o le fa’afiti o i tatou e i tatou lava, ae ave le satauro o le tagata lava ia, ma mulimuli atu i le Alii.

Tatalo Fa’atoesega:

- Ina ua fa’atauvaavae le vaai i le valaauina, ma ua fai ai ma ala ua le fa’amaoni ai, a o lea ua uma ona e folafolaina fa’amanuiaga.

- Ona o le ola masalosalo i manuia fa'avavau o le Atua, pe a fa'amaoni tagata uma i lo latou valaauina.

Tatalo Manaoga:

- Ia fa'amaoni pea i lo tatou valaauina, ma ia galulue pea ma le mautinoa, o le Atua e fa'amanuia ia i tatou.
- Ia fa'atino lo tatou valaauina ma le le manatu i se tau'i, auā o loo i le Atua lo tatou tau'i e fa'avavau.

Mati 16

Tusi Faitau – Salamo 95: 1-11

Matua: f.1-2 – *“O mai ia, ia tatou alalaga fiafia i le Alii; ia tatou alalaga i le papa o lo tatou olataga. Ia tatou o atu i ona luma ma le viiga; ia tatou alalaga ia te ia i pese.”*

AUTU: “IA FA’AFETAIA LAVA LO TATOU ATUA”

Tatalo Fa’afetai:

- Ona o lona alofa ma lona agalelei i aso uma; o ana galuega mamana o loo manuia ai pea gasologa o a ta feau ma a ta tiute.
- Le fa’aolataga e fa’avavau na ia saunia, i le soifua o lona lava Alo pele e toatasi.

Tatalo Fa’atoesega:

- Ina ua manatu māmā i matou i lou alofa i aso uma, ua lē au ai se fa’afetai e tatau ona tuuina atu ona o le fa’amaoni o lou alofa.
- Ina ua lē o atu i ou luma ma le viiga, ua lē alalaga foi i le Atua i pese, a ua vivii lava e le tagata o ia lava.

Tatalo Manaoga:

- Ia fa’amausaliina i aai o finagalo ma loto o le Au Fa’atuatua, le tatau ona fa’afetaia lau afio le Atua e fa’avavau.
- Ia fa’amanuina lou suafa silisili ese, ia fa’amaoni le olaina o le alofa i lo tatou ola, a ia faia lau amiotonu i aso uma.

Mati 23 (LAUPAMA)

Tusi Faitau – Sakaria 9: 9-17

Matua: f.9 – *“Ia e matua fiafia o oe le tama fafine a Siona; ia alaga fiafia o oe le tama fafine a Ierusalema; fa’auta, o le e alu atu lou Tupu ia te oe; o ia o le amiotonu ma le fa’aola; e agamalu o ia, o loo tietie i le asini, o le tama’i asini foi.”*

AUTU: “O LE TUPU UA AFIO MAI”

Tatalo Fa’afetai:

- I lau malaga fa’atupu ua iloa manino ai, o le tupu ua afio mai o le Mesia o le Fa’aola.
- I lou aoaoina o i matou uma i tala o lau malaga fa’atupu, ua iloa ai lou manumalo lea e fa’avavau mo i matou.

Tatalo Fa’atoesega:

- Ua manatu fa’atauavaa ma manatu mama i lau Afio, o le tupu ua afio mai, o le Fa’aola o tagata uma.
- Ua le atagia lou filemu e pei ona e malaga mai ai, a ua manatu lava e saili i lo matou malosi.

Tatalo Manaoga:

- Ia tōtō i fatu o tagata fa’atuatua uma ma lau Ekalesia, ina ia lagona fa’atasi lou manumalo Keriso.
- Ia ‘aua ai nei muta le alalaga pea, Osana i le Alo o Tavita, Osana i mea aupitoaluga.

Mati 30 (ESETA)

Tusi Faitau – Ioane 20: 19-23

Matua: f.21 – *“Ona toe fetalai atu lea o Iesu ia te latou, “Ia outou manuia. Fa’apei ona auina mai o a’u e le Tama, e fa’apea foi ona ou auina atu outou.”*

AUTU: “O LE FA’AMANUIA A LE ALII TOE TU”

Tatalo Fa’afetai:

- Ona o le manuia ua matou maua mautinoa, i le Alii o le Toe Tu. I le ofoina atoa o le soifua paia o Keriso Iesu, ua fa’amanuia ai tagata uma ma le lalolagi.
- Ona o le taulaga lea o le ola, ua fa’amagaloina ai agasala a le lalolagi. Ia fa’amatala loto pea i o tatou tagata, o le fa’aolataga na sui ola ai Iesu, ina ia tatou maua le ola e fa’avavau.

Tatalo Fa’atoesega:

- Ona o le manatu fa’atalalē i fa’amanuiaga o le Toe Tu. Ua lē talitonu i manuia o le Atua e sasaa fua mo tagata uma, tainane o le lē talitonu o nisi, ua Toe Tu Iesu.
- Le le fa’amaoni ma le olaina o le manumalo o Keriso, ina ia fua atu i o tatou tagata lona soifua na fa’amaumauina.

Tatalo Manaoga:

- Ina ia fa'atumauina fa'amanuiaga o le Alii Toe Tu, ia avea ma fa'amaufa'ailoga i le galuega fa'a-misiona a le Ekalesia.
- Ia fa'atupu pea lagona ma manatu lelei, e ala i manuia ua fa'ailoa mai e le Toe Tu o Keriso, o le ola e fa'avavau lava.

Aperila 06, 2024

Tusi Faitau – 1Tupu 3: 5-14

Matua: f.14 – *“Afai foi e te savali i o’u ala, ma e tausii i a’u tulafono, ma a’u poloaiga, e pei ona savali o lou tama o Tavita, ou te fa’afualoaina ou aso.”*

AUTU: “O LO TATOU VALAAUINA, TATOU TE LE SAVAVALI SAOLOTO”

Tatalo Fa'afetai:

- Fa'afetai i le avea pea o tatou tagata e fai ma ana mea faigaluega, e molimauina le talalelei ia Keriso Iesu.
- I lona mafutaina o le Ekalesia ma ona tagata, aemaise le fa'atupu o le agaga vivii i le Ekalesia ma ona tagata.

Tatalo Fa'atoesega:

- Ona ua mamao pea o matou loto ma le faia o lou lava finagalo, ma ua le atagia ai lau talalelei e pei ona folafolaina.
- Ua sese la matou fa'amuumua i manaoga ma tuinanauga o o matou loto, ua le maua ai le ola mafuta i lau afio i le tatalo.

Tatalo Manaoga:

- Aumaia pea le fiasia ma le olioli i loto o le Ekalesia, e fa'aosofia ai lo matou ola mafuta i le tatalo mo se fesoasoani i aso uma.
- Aumaia pea le filemu i totonu o o tatou loto, e tatou te fa'atupuina ai le filemu i totonu o aiga, nuu, aemaise o lana Ekalesia.

Aperila 13

Tusi Faitau – Salamo 20: 1-5

Matua: f.5 – *“Matou te fiasia i lau fa'aolataga; o le suafa foi o lo tatou Atua tatou te sii ai i luga o tatou tagava'i. Ia fa'ataunuuna e le Alii au tatalo uma.”*

AUTU: “TAGAVAI O LE MANUMALO”

Tatalo Fa'afetai:

- Ona o le matagofie o le fa'aaliga o lona alofa i lana Ekalesia, aemaise i tatou uma.
- I le fesoasoani sili o le Agaga Paia na te mafutaina i tatou i taimi uma o lenei soifuaga ma lenei olaga.

Tatalo Fa'atoesega:

- Ona ua matou le manatu mamafa i au fa'amanuiaga o loo e fa'amanuiaina iai i matou i lea aso ma lea aso.
- Ona o le matou le saili atu i lau afio, ae ua matou fa'alagolago i mea ua matou maua i le olaga nei.

Tatalo Manaoga:

- Ia fa'afouina pea lo matou ola ma le malosi e fai au ma au mea faigaluega, matou te auauna ai i lou lava finagalo.
- Ia maua le agaga o le galulue fa'atasi, ia fai lau amiotonu e fai ma fu'a taualuga o lo matou ola galulue.

Aperila 20

Tusi Faitau – Salamo 145: 14-21

Matua: f.18 – *“E latalata mai le ALII ia i latou uma o e valaau ia te ia, oi latou uma o e valaau ia te ia ma le fa'amaoni.”*

AUTU: “E FA'AMAONI LE TALI A LE ATUA”

Tatalo Fa'afetai:

- I lana foafoaga o loo tatou saili ai pea i aso uma, o le gataifale ma le vaomatua auā le tausiana pea o lo tatou ola.
- I lou fa'aali mai pea i o matou tagata, e aumaia ai pea le mautinoa i o matou tagata, aua o loo soifua pea lau afio.

Tatalo Fa'atoesega:

- Ona ua matou fa'atamala ma le fa'atalalē i o matou tiute fa'a-le-matua, i le fa'atonu ma le a'oa'o o fanau.
- O le leotele pea o o matou lagona ma o matou manatu fa'a-le-tagata, ua punitia ai la matou fa'alogi i le Agaga Paia.

Tatalo Manaoga:

- Ia foai mo i matou meaalofa sili a lou agaga, matou auauna ma faia ai lau galuega i le fa'amaoni.
- Foai ia i matou le loto tele ma le loto toa, ina ia matou manumalo ai i fa'afitauli o lenei olaga.

Aperila 27

Tusi Faitau – Ieremia 31: 31-34

Matua: f.33 – *“A o lenei le feagaiga ou te osia ma le aiga o Isaraelu, pe a mavae ia aso, o loo fetalai mai le Alii, ou te tuuina atu la’u Tulafono i totonu ia te i latou, ma tusi ai i o latou loto; e fai foi a’u mo latou Atua, o i latou foi e fai mo’u nuu.”*

AUTU: “IA TEU I O TATOU LOTO LE FEAGAIGA A LE ATUA”

Tatalo Fa’afetai:

- Valaauina o i tatou e le Atua e ala i tofiga ma tiute eseese ua fa’amauiaina ai lo matou ola auauna i lau afio.
- Ona o le mana o lona agaga e fa’aosofia lo matou ola auauna i lau afio ma lau galuega.

Tatalo Fa’atoesega:

- Ua avea mea lelei ua matou maua, ma auala ua matou fa’atuatuanai ai lau afio ma lau galuega.
- Ona o manatu ma lagona fa’a-le-tagata ua fai lea ma auala e punitia ai la matou vaai ma le fa’alogo atu i lou finagalo

Tatalo Manaoga:

- Ia aumai le malosi ma le potu matou te faia ai lau galuega ma viia ai lau afio.
- Ia avea lo matou fa’atauvaava e fai ma fesoasoani i nisi o loo manaomia le fesoasoani.

Me 04, 2024

Tusi Faitau – Mataio 9: 9-13

Matua: f.13 – *“Ina o ia, ina a’oa’o po o le a le uiga o lea upu, Ou te loto i le alofa, a e lē o le taulaga; auā ou te lei sau e valaau i e ua amiotonu, a o e ua agasala.”*

AUTU: “IA LEO TELE LE ALOFA, NA I LOO LE TAULAGA”

Tatalo Fa’afetai:

- Ona o le fa’amalologa a lou agaga i o matou tagata.
- Ona o lou agaga e fa’amalosi ‘au ia i matou, pe a matou fa’avaivai i le tele o taimi.

Tatalo Fa’atoesega:

- Ona ua tau mamao o tatou aiga ma le Atua. Ua fa’atamala matua e tapu’e le ola fa’atuatua o fanau.

- Ona o le sauaina pea o Tina ma fanau i totonu o aiga.

Tatalo Manaoga:

- Ia iai le taitaiga mana a lou agaga i totonu o aiga, nuu aemaise lana Ekalesia.
- Aumaia lou agaga e fa'amalosia ai o matou tagata, auā lau galuega talai.

Me 11

Tusi Faitau: Ruta 1: 6-22

Matua: f. 16-17 – *“A ua fai atu Ruta, ‘Aua e te finau ia te au ina ia ou tuulafoaina ia te oe, ia le mulimuli atu ia te oe, auā o le mea e te alu iai, ou te alu ai foi, o le mea e te nofo ai, ou te nofo ai, e fai lou nuu mo’u nuu; e fai lou Atua mo’u Atua; o le o le mea e te oti ai, ou te oti ai, e tanu ai foi au, ia fa’apea ona faia e le Alii ia te ia te au, ma ia fa’aopoopo iai, pe afai e tuueseeseina i taua ma oe i se tasi mea sei vagana le oti.”*

AUTU: “O LE FINAU O LE TINA ALOFA”

Tatalo Fa’afetai:

- Ona o le fa’amaoni o lou alofa e mafutaina i matou, e ala i a matou fuafuaga i totonu o aiga, nuu aemaise le Ekalesia.
- Ona o Tina ma lo latou sao taua i tiute ma galuega, aemaise o le faufautua ma le tuualalo i le tautuaina o lau galuega.

Tatalo Fa’atoesega:

- Ua matou le manatu mamafa i Tina ma o latou tiute fai, i totonu o aiga, nuu aemaise lana Ekalesia.
- Ona o le ola fa’asausili ma le ola fa’amauualuluga i le tele o taimi.

Tatalo Manaoga:

- Manatua nai Tina o le lalolagi o loo saisaitia ma sauaina ona o le pule malosi ma le pule fa’a-le-tatau a nisi.
- Ia o tatou lagona le loto maualalo e foi ai i le Atua mea uma.

Me 18

Tusi Faitau – Hosea 3:1-5

Matua: f.3 – *“Na a’u fai atu foi ia te ia, E te nofo fa’atali mai ia te au i aso e tele, ‘aua e te faitaaga, ‘aua e te nofo i se tane; ou te nofo fa’atali foi ia te oe.”*

AUTU: “E FA’AMAONI LE ALOFA O LE ATUA”

Tatalo Fa’afetai:

- I lona agaga e na te leoleoina i tatou i lo tatou ulufafo ma le ulufale, a o tatou feagai ai i feau ma galuega i aso faiso’o.
- I le fa’amaoni o lona alofa e ala mai i lona Alo Pele o Iesu Keriso, ua fai lea ma fa’aolataga mo i tatou ma le lalolagi atoa.

Tatalo Fa’atoesega:

- Ona ua matou le olaina lo matou ta’u: o fanau a le Atua.
- Ona o le toilalo soo ona o le faia o le agasala.

Tatalo Manaoga:

- Ia fa’atamaoigaina i matou i auupega sili o le galuega, ina ia matou auauna ai i le moni ma le fa’amaoni.
- Ia avea lo matou ola fa’atuatua m ale fa’amaoni, e fai ma molimau ola o lau galuega.

Me 25

Tusi Faitau – Kenese 22: 1-19

Matua: f.2 – *“Ona fetalai mai lea o ia, Ia e ave lou atalii, o lou atalii e toatasi, o le ua pele ia te oe, o Isaako lava, ma e alu i le nuu o Moria; ma avatu ia te ia e fai ma taulaga mu i lea mea i le tasi mauga ou te ta’uina atu ai ia te oe.”*

AUTU: “AVE MEA SILISILI MO LE ATUA”

Tatalo Fa’afetai:

- Fa’afetai i le Atua i lau foai e la i lou tamaoiga, ua e fa’amanuia ai le soifua ma le ola o lau fanau.
- Ona o le au vavega, o loo matou molimauina pea lea aso ma le aso, ua matou manuia ai.

Tatalo Fa’atoesega:

- Ona ua le aapa atu o matou lima matou te fesoasoani ai ia i latou o loo manaomia lau fesoasoani.
- Ua avea au fa’amanuiaga ma mea ua saili ai o matou viiga, ae galo ai lau Afio o le autu ma le pogai o fa’amanuiaga uma.

Tatalo Manaoga:

- Aumaia le agaga ma le loto e fai mea sili ai mo lau afio.
- Ia maotu fa’ataua le ola foai, e pei ona e foai mai o lou lava Alo Pele o Iesu Keriso.

Iuni 1, 2024

Tusi Faitau – Mataio 7: 7-14

Matua: f.7 – *“Ia outou ole atu, ona foaiina mai ai lea ia te outou, ia outou saili, ona outou maua ai lea; ia outou tu’itu’i atu, ona toina ai lea ia te outou.”*

AUTU: “LE FAITOTOA UA MATALA”

Tatalo Fa’afetai:

- Ona o le siosiomaga matagofie ua puaina mai ai le ola fou, ina ia fa’afouina pea lo matou malosi e galulue ai e fa’atino fa’amaoni lau galuega.
- O lou lē mativa e ala i lau fa’asoia i lea aso ma lea aso, ua auala mai ai le tele o fa’amanuiaga eseese i o matou tagata.

Tatalo Fa’atoesega:

- Ona o lo matou lē ola usiusitai e tausi au poloaiga.
- Ona o lo matou ola tusitusilima i nisi, ua le maua ai se nonofo fa’atasi ma le fetausiai i le alofa.

Tataloo Manaoga:

- Aumaia lou tumu atoatoa e fa’atumuina ai o matou tagata, ina ia matou galulue e faia pea lou lava fimgalo.
- Aumaia le manuia ma le filemu o lau afio, e taialaina ai feau ma galuega o loo feagai ma lau fanau I aso uma.

IUNI 8

Tusi Faitau – Fa’ataoto 17: 5-22

Matua: f.17–*“E alofa le uo i aso uma lava; a e fanau le uso mo le aso vale.”*

AUTU: “O LE MEAALOFA FA’A-LE-UO”

Tatalo Fa’afetai:

- I le fa’aaogaina o o matou tagata fa’atauva e fai ma au mea faigaluega, e ala i tofiga eseese ua e totofiina ai i matou.
- I lou fa’ailoa mai i o matou tagata ou ala, ma taitai tonu i matou i lau amiotonu.

Tatalo Fa’atoesega:

- I le avea o tofi ma ala tatou te vaai maualalo ai i isi o matou uso, aemaise o le lē fa’amaoni i lo tatou valaauiina.
- Ona o le le talitonu i le Atua e maua ai lo tatou filemu, aemaise o le lalolagi tau fa’amata’u i le soifuaga nei.

Tatalo Manaoga:

- I le soifua galulue ma le ola tautua o lana Ekalesia, ia maua pea le loto onosai ma le fa'apalepale.
- Ia lagona le tele o le alofa fa'asoa mai o le Atua, ma uunaia i tatou uma taitoatasi, ina ia maua le ola fa'asoa atu mo isi.

Iuni 15

Tusi Faitau – Luka 15: 11-24

Matua: f.20 – *“Ona tulai lea o ia, ua alu i lona tama. Ua iloa mamao atu ofi o ia e lona tama, ona mutimutivale lea o lona alofa, ua momo'e atu o ia, ua fusi ia te ia, ma sogi atu ia te ia.”*

AUTU: “O LE ALOFA FA'ATAMĀ”

Tatalo Fa'afetai:

- Ona o au meaalofa ua e tuuina i o matou tamā, ua iloa ai o latou tiute e faia i totonu o aiga, nuu, aemaise lau Ekalesia.
- Ona o le loto onosai ma le fa'apalepale e te aumaia pea, matou te lavatia ai mea o loo tutupu i lenei soifuuga ma le olaga.

Tatalo Fa'atoesega:

- Ua matou le su'esu'e ma faitau i lau Afioa Paia.
- I tamā pe afai ua le fa'ataunuuina tiute o tamā i totonu o aiga, nuu, malo ma le atunuu, tainane o lau feau ma lau galuega.

Tatalo Manaoga:

- Musumusuina tamā uma o le Ekalesia ma le lalolagi, ia faia o latou tiute ma matafaioi fa'a-tamā.
- Ia maua le ola fealofani, a ia laualuga i le ola fetausiai i le alofa.

Iuni 22

Tusi Faitau – 2 Tupu 2: 9-14

Matua: f.12 – *“Lo'u tama e lo'u tama e, le kariota o Isaraelu ma ana 'au e tietie i solofanua.”*

AUTU: “O LE OLA TAUSA'AFIA E MAUA AI MANUIA”

Tatalo Fa'afetai:

- I le ola fiafia ma le vivii ua e totōina i totonu o o matou loto, matou te fiafia e ola saili i lau afio ma lou lava finagalo.
- I le filemu ma le loto maulalo e fa'atino ai la matou auaunaga i lau afio e le aunoa.

Tatalo Fa'atoesega:

- Ona o le sala ese o a matou fa'atinoga e ala i a matou auaunaga i soo se itu o lau galuega.
- Ona o le vaivai o o matou tagata e ola tatalo ma fa'atoga i lau afio, a ua fa'amuumua le tele o fiafiaga o lenei lalolagi.

Tatalo Manaoga:

- Ia tatou manatua i latou o loo fia maua le fesoasoani a le Atua i soo se itu o lenei lalolagi.
- Tatalo ina ia fa'amamao ni fa'ama'i a o ni fa'afitauli. Ia 'aia foi ma ni mala fa'a-le-natura e ono afaina ai le soifua ma le ola o lau fanau.

Iuni 29

Tusi Faitau – Hakai 1: 1-6

Matua: f.5 – *“O lenei, o loo fa'apea ona fetalai mai o le Alii o 'au; Ia outou mafaufau i o outou ala.”*

AUTU: “FA'AMUAMUA ALA O LE ALII”

Tatalo Fa'afetai:

- I le meaalofo o le ola ma le malosi o loo foai mai pea i lea aso ma lea aso, auā le feagai ai ma tiute ma faiva.
- I le tali mai pea o le Atua i a tatou talosaga i lou lava taimi tatau ma lou taimi talafeagai.

Tatalo Fa'atoesega:

- Ona o loo fai pea ma galo ia i tatou, ona muai saili i le Atua ma lana amiotonu.
- Ua galo e lau Ekalesia ma i matou uma le fa'atinoga o a matou tiute, tainane o le olaina o le ola Fa'a-Kerisiano.

Tatalo Manaoga:

- Ia aumaia pea fa'amafanafanaga sili i o tatou tagata, ina ia tatou maua le to'afilemu i taimi o puapuga ma faigata.
- Ia mamao pea le fili ma le tiapolo, ona o fa'aosoosoga e afea ai pea le soifuaga, ia tumau i le Atua lo tatou talitonuga, ina ia manuia le soifua auauna i le Alii ma lana tala lelei.

Iulai 6, 2024

Tusi Faitau – Roma 12: 1-6

Matua: f.6 – *“Aua fo’i tou te amio fa’atasi ma lenei lalolagi, ae peita’i ia liliu i le toe fuataina o outou loto, ina ia outou su’esu’e, pe se a le finagalo o le Atua, i mea ua lelei, ma le malie, ma le atoatoa.”*

AUTU: “IA FA’AFUINA I TATOU MO LE GALUEGA A LE ATUA”

Tatalo Fa’afetai:

- Ona o le fa’amaoni o lona alofa o lo’o ia liliuina ai pea o tatou tagata, ma fa’aaogaina pea o tatou tagata fa’atauva’a.
- Ona o le tualuga o lona finagalo alofa, na auina mai ai Keriso, le fa’aaliga o lona alofa tunoa, lea ua togiolaina ai le lalolagi.

Tatalo Fa’atoesega:

- Ona o lo tatou fa’asaga i ala o le lalolagi a ua fultua i ala o le Atua; ua tatou lē mua’i su’esu’e pe se a lona finagalo.
- Ona ua tatou lē maua le agaga e toe fuataina ai o tatou tagata, mo le Atua ma lona finagalo.

Tatalo Manaoga:

- Ina ia avea o tatou ‘āiga, nu’u, mālō ma le Ekalesia, ma e liliu ma fa’asaga i le Atua ma lona finagalo.
- Tatalo ina ia manuia lo tatou aga’i atu i le isi afa tausaga o lo’o tatou savalia nei e ala i le taitaiga alofa a le Atua.

Iulai 13

Tusi Faitau – Ioane 9: 1-12

Matua: f.4 – *“E tatau ona ou faia galuega a lē ua auina mai a’u, manū o ao; e o’o i le po, e le mafaia e se tasi ona galue ai.”*

AUTU: “O LE VALA’AU E FA’ANATINATI”

Tatalo Fa’afetai:

- Ona o le avanoa e avea ai i tatou ma ana ave feau ma faatino lona finagalo alofa.
- Ona o le sa’ili mai o le Atua i o tatou tagata fa’atuatua.

Tatalo Fa’atoesega:

- Ona o lo tatou fa’aaoga sesēina o le avanoa ua ia tu’uina mai e fa’aaoga ai i tatou mo lana vala’au.
- Ona o le fa’atuatuai ona o tatou tula’i ma tali i le vala’au a le Alii mo i tatou.

Tatalo Manaoga:

- Ina ia tatou fa’amalolosi e tali le vala’au lea ua vala’auina ai i tatou e le Atua.
- Ina ia tatou galulue pea manū o ao; ae ‘aua le fa’atuai.

Iulai 20

Tusi Faitau – Iakopo 5: 1-6

Matua: ff.1-2 – *“Fa’auta mai ia, outou e tamaoaiga, ia outou fetagisi ma uio ona o puapuaga e oo mai ia te outou. Ua pala la outou oloa, ua atiatia o outou ofu e mogamoga.”*

AUTU: “O LE ATUA TATOU TE MAUOLOA AI”

Tatalo Faafetai:

- Ona o lona alofa i tagata mauoloa, lea o lo’o ia lapata’ina ai i latou, ina ia maua ai le avanoa e laveaina ai.
- Ona o lona fa’atonutonu folauina o lo tatou ola, ina ne’i o tatou pau’u atu i le ola aputiputi ma le lima mau.

Tatalo Fa’atoesega:

- Auā ua lē ‘asa lava itu aso ua tatou ola aputiputi ai ma lima mau i mea ua tatou maua.
- Auā ua tele taimi ua galo ai i o tatou tagata, o le alofa i le Atua, e fa’atino i le soifua fa’asoa i isi.

Tatalo Manaoga:

- Ina ia a’oa’oina pea e o lo’o mauoloa ina ia iloa ona agalelei ma soifua fa’asoa mo e o lo’o lima vaivai ma matitiva.
- Ina ia iloa e tagata o le ‘oa ma le tamaoaiga e lē tumau.

Iulai 27

Tusi Faitau – Efeso 4: 4-6; 11-16

Matua: ff. 5-13 – *“E tasi le Alii- e tasi le fa’atuatuaga, e tasi le papatisoga. Seia o’o atu o i tatou uma lava i le loto gatasi i le fa’atuatua, ma le iloa lelei o le alo o le Atua- ia fai fo’i ma tagata matua, ia o’o i le fua o lē ua matua, e tataua ma le tumu o Keriso.”*

AUTU: “E TAUU LOU TALITONUGA”

Tatalo Fa’afetai:

- Ona o le avanoa ua tatou maua e avea ai i tatou ma tagata fa’atuatua e ala ia Iesu Keriso.

- Ona o le fesoasoani o lona Agaga Paia lea ua mafai ai ona avea i tatou ma tagata matutua i le fa'atuatua.

Tatalo Fa'atoesega:

- Ona o le fa'aluafesasi o o tatou talitonuga i le tele o taimi.
- Ona ua galo ia te'i tatou le tāua o o tatou talitonuga, a ua tatou aisi solo i mea o lo'o fa'atāuaina i le olaga nei.

Tatalo Manaoga:

- Ina ia saga fa'amausaliina pea e lona Agaga lo tatou talitonuga ia Iesu Keriso ma lo tatou Atua.
- Ina ia aua ne'i tosinagofie o tatou loto i a'oa'oga ma talitonuga fou o lo'o tula'i mai i nei ona po.

Aokuso 03, 2024

Tusi Faitau – Iakopo 5: 4-11

Matua: ff. 10-11 – *“Ou uso e, ia outou fa'aa'oa'o i le fa'atoatoa i le leaga, atoa ma le onosa'i o le au perofeta, e na tautala mai i le suafa o le Alii. Fa'auta, ua tatou ta'u amuia i e e onosa'i. Ua outou fa'alogologo i le onosa'i o Iopu. Ua outou iloa fo'i le i'uga i la le Alii, ina ua mutimutivale tele le Alii, ma le alofa naunau.”*

AUTU: “IA ONOSA'I I PUAPUAGA”

Tatalo Fa'afetai:

- Ona o le fa'asoa a le Aposetolo o Iakopo, lea o lo'o fautuaina ai o tatou tagata fa'atuatua ina ia tatou onosa'i ma fa'atoatoa i faigata ma mea tiga.
- Ona o Iakopo ma lona fa'asino mai i o tatou tagata fa'atuatua, ina ia tatou onosa'i i puapuaga ma mea faigata.

Tatalo Fa'atoesega:

- Ona o lo tatou lē lavātia ona onosaia puapuaga ma mea faigata o lo'o tatou feagai i lenei olaga.
- Ona o le fa'avaitau o lo tatou onosa'ia o fa'afitauli ma tigā.

Tatalo Manaoga:

- Ina ia a'oa'oina pea o tatou tagata fa'atuatua ina ia tatou lavātia onosa'i i puapuaga ma mea faigata.
- Ina ia tatou lavātia ona onosa'i i puapuaga ma fa'afitauli ia o lo'o tatou fetaia'i pea i lenei lalolagi.

Aokuso 10

Tusi Faitau – 1 Ioane 2: 1-6

Matua: f.6 – *“A ua iā te oe lenei mea, ina ua e inoino i galuega a le au Nikalaitai o a’u fō’i ou te inoino i ai.”*

AUTU: “IA FA’AFOUINA LAU SAVALI”

Tatalo Fa’afetai:

- Ona o lona tumau mai ma lona fa’afouina o i tatou a o tatou punonou ma galuluea i lana feau ma lana galuega.
- Ona o avanoa ma auala ese’ese o lo’o ia saunia, ina ia fa’afouina ai pea o tatou tagata fa’atuatua, a’o tatou feagai ai, ma luitau e tele i lenei olaga.

Tatalo Fa’atoesega:

- Ona o lo tatou vaivai ma le lē atoatoa i le tele o taimi o loo lu’itauina ai pea i tatou i mea faigata o lenei olaga.
- Ona o le savali i ala tuai o le soifua ma le ola, a ua lē mafai ona suia o tatou olaga, i ala o le Alii.

Tatalo Manaoga:

- Ina ia fesoasoani mai lona Agaga e fa’afouina ai o tatou ala tatou te savavali ai ma fa’atino lana galuega, lea ua vala’auina ai o tatou tagata fa’atuatua.
- Ina ia tatou fa’amalolosi ma tutumau i ala o le Alii, ina ia lē faigofie ai ona apo i tatou i ala o le Alii o lenei olaga.

Aokuso 17

Tusi Faitau – Iakopo 4: 11-17

Matua: f.17 – *“O lē ua iloa e fai le mea lelei, ae lē faia, o le agasala lea ia te ia.”*

AUTU: “O LE A LE AGASALA?”

Tatalo Fa’afetai:

- Ona o a’oa’oga a le Tusi Paia lea o lo’o fa’atonutonu folau i mea tonu ma mea lelei, e tatau ona tatou faia.
- Ona o le mea alofa o le Agaga Paia, lea o lo’o fa’amalosi au i o tatou tagata fa’atuatua, ina ne’i o tatou pau’u atu i le agasala.

Tatalo Fa’atoesega:

- Ona ua tatou iloa le mea e ao ona fai, a ua tatou lē faia.

- Auā e tele taimi o lo’o musumusuina ai i tatou e le Agaga Paia, a ua tatou fa’ataliga tuli i ai.

Tatalo Manaoga:

- Ina ia tatou maua le loto tetele, tatou te fa’atino ai mea tonu ma mea sa’o, e pei ona tatau ai.
- Ina ia lē gata ina tatou iloa mea e tatau ona tatou fai, a ia fa’apea lava fo’i ona tatou fa’atinoina i lo tatou ola.

Aokuso 31

Tusi Faitau – Malaki 3: 1-6

Matua: f.6 – *“Auā o a’u o le Alii ou te lē liliu, o le mea lea ua lē fa’aumatia ai outou le fanauga a Iakopo.”*

AUTU: “O LE ATUA E TUMAU, E LE LILIU”

Tatalo Fa’afetai:

- Fa’afetai i le Atua ona o le tumau o lona alofa ma lona agalelei i o tatou tagata fa’atuatua.
- Ona o lona lē tu’ulafoaina o i tatou mai i faigata ma fa’afitauli, ia o lo’o lē aunoa ona tatou fesaga’i i lenei olaga.

Tatalo Fa’atoesega:

- Ona o lo tatou fa’avaivai ma lo tatou solomuli i le tele o taimi o lo’o lu’itauina ai i tatou, a o tatou feagai ai ma lana galuega.
- Ona o le ma’ale’ale ma le vaivai o lo tatou fa’atuatua, a o tatou punonou ma galulue i lana galuega.

Tatalo Manaoga:

- Ina ia auina mai lona Agaga, na te fa’amalosia o tatou tagata, i taimi e lu’itauina ai i tatou, e le fili o lenei lalolagi.
- Ina ia tatou maua le mā’elega, tatou te tumau ai ma lē liliu ese ai, mai i le fa’atuatua fa’amaoni.

Setema 07, 2024

Tusi Faitau – 1 Korinito 15: 1-12

Matua: f.10 – *“A o le alofa tunoa o le Atua ua fa’apenei ai a’u... ae peita’i e le o a’u, a o le alofa tunoa o le Atua ua ia te a’u.”*

AUTU: “O LE ALOFA TUNOA O LE ATUA”

Tatalo Fa’afetai:

- Ona o le Talalelei o lona alofa tunoa lea ua ia fa'aalitino mai i le maliu o lona alo o Iesu Keriso.
- Ona o le galuega mana a lona Agaga Paia, lea ua faigofie ai ona ofi mai ma tala'i le Tala lelei i Samoa.

Tatalo Fa'atoesega:

- Ona o lo tatou lē ma'elega i le tala'iina o lana Tala Lelei, lea na tu'uina mai i o tatou tagata, ina ia fai nuu uma ma soo.
- Ona o lo tatou lē fa'amaoni i lo tatou vala'auina ina ia avea i tatou ma molimau o lona alofa tunoa.

Tatalo Manaoga:

- Ina ia fa'aogaina pea o tatou tagata vaivai ma le fa'atauva'a, e molimauina le alofa tunoa o le Atua, i soo se tulimanu o lenei lalolagi.
- Ina ia fa'amalosia le molimau a le Ekalesia ma le au fa'atuatua ma ia tupu ma olaola ai pea le Tala lelei i le lalolagi.

Setema 14

Tusi Faitau – 2 Korinito 12: 1-9

Matua: f.9–“*Ona fa'apea mai lea o ia ia te a'u, O lo'u nei alofa tunoa , e lava lea e fesoasoani ia te oe, 'Auā o le vaivai, e fesoasoani ai lo'u mana.*”

AUTU: “E FA'AMALOSIA E LE ATUA LO TATOU VAIVAI”

Tatalo Fa'afetai:

- Ona o lona alofa tunoa, lea o loo fai ma o tatou malosiaga i taimi tatou te vaivai ai.
- Ona e ui ina tatou fa'afesaga'i ma fa'afitauli, a o lo'o avea pea lona fa'amalosi mai, e fai ma ala o loo tatou malolosi ai pea.

Tatalo Fa'atoesega:

- Ona o lo tatou fa'atamala ma lo tatou fa'atalalē, e afua ai ona tatou tetē'e atu i mea faigata e lē aunoa ona luitau ai i tatou.
- Ona o lo tatou lē manatunatu i le alofa tunoa o le Atua lea e mafai ona fa'amalosia ai o tatou tagata fa'atuatua.

Tatalo Manaoga:

- Ina ia fesoasoani mai lona Agaga Paia, ina ia fa'amanatu mai pea ia i tatou lona lava alofa tunoa.
- Ina ia fa'amalosia lana Ekalesia ma o tatou tagata fa'atuatua tatou te molimau ai pea mo ia ma lona finagalo.

Setema 21

Tusi Faitau – 1 Ioane 1: 1-4

Matua: f.3 – *“O le mea na matou va’ava’ai i ai, ma matou fa’alogologo i ai, matou te ta’u atu ai ia te outou, ina ia outou mafuta fa’atasi ma i matou.”*

AUTU: “IA FA’AFOUINA LA TA MOLIMAU”

Tatalo Fa’afetai:

- Ona o le fesoasoani a lona Agaga Paia, lea o loo mafai ai ona fa’afouina a tatou molimau mo le lalolagi o ona po nei.
- Ona o auala ese’ese o loo ia tu’uina mai i o tatou tagata fa’atuatua e avea ai i tatou ma ana molimau i le lalolagi.

Tatalo Fa’atoesega:

- Ona ua lē mafai ona tala fetau le molimau ma auga tupulaga o nei ona po, ina ua lē mafai ona fa’afouina la ta molimau.
- Ona o le sese o mea o ave i ai la tatou fa’amamafa ua le faia le finagalo o le Atua o le ona le galuega lea o loo tatou galulue ai.

Tatalo Manaoga:

- Ina ia fesoasoani mai i lo tatou vaivai ma le lē atoatoa, a o avea i tatou ma ana molimau i le lalolagi o nei ona po.
- Ina ia lē gata ina fa’afouina la tatou molimau mo aso nei, a ia fa’amanaina la tatou molimau ina ia fa’atuputeleina ai le au fa’atuatua mo le Alii.

Setema 28

Tusi Faitau – Efeso 1: 1-10

Matua: f.3 – *“Ia fa’afetaia le Atua le Tama o lo tatou Alii o Iesu Keriso, o lē ua fa’amanuia mai ia tei tatou mea uma lava, e manuia ai i la le Agaga, i mea uma lava o i le lagi ona o Keriso.”*

AUTU: “FA’AMANUIAGA MO E TALITONU”

Tatalo Fa’afetai:

- Ona o lona fa’amalosia o le loto talitonu i lana Ekalesia, ae maise ai o fa’amanuiaga e tele ia o loo sasaa mai mo i tatou.
- Ona o lona Agaga Paia o loo tautoaluaina o tatou tagata fa’atuatua, lea o loo mafai ai ona tatou tutumau ai.

Tatalo Fa’atoesega:

- Auā e tele taimi o loo tatou lē iloa ai, o le tele o fa’amanuiaga ia o loo tatou sapi ai, o mea mai i le Atua.
- Ona o lo tatou fa’atalalē i le tele o le tamaoaiga lea o loo fa’asafua ma foaiina mai e le Atua, i o tatou tagata fa’atuatua.

Tatalo Manaoga:

- Ina ia liligi mai pea ana fa’amanuiaga i luga o o tatou ‘āiga, o tatou nuu, lo tatou atunuu ma le lalolagi atoa.
- Faatumauiina le loto talitonu i ou tagata faatuatua, aemaise i lenei vaitau o tekanalosi fou ua vaivai ai le ola talitonu.

Oketopa 05, 2024

Tusi Faitau – Salamo 73: 3-17; 28

Matua: f.28 – *“A o a’u nei, ou te fa’alatalata atu i le Atua ou te lelei ai, ua ou faia le Alii lo’u Atua ma o’u malu, ina ia ou tauina atu o au galuega uma.”*

AUTU: “AISEA E TIGAINA MA MAFATIA AI TAGATA LELEI?”

Tatalo Fa’afetai:

- Ona o fa’amafanafanaga ma le fa’amalosi au a le Tusi Paia, lea o loo tatou maua ai le malosi i ituaso faigata o le olaga.
- Ona e ui ina tatou vaaia le manuia o tagata amioletonu, a o loo ia fa’amanatu mai fo’i lo tatou manuia o loo i aao o le Atua.

Tatalo Fa’atoesega:

- Ona ua fa’aluafesasi o tatou tagata fa’atuatua, ina ua o tatou fa’atusatusa o tatou mafatiaga, ma le manuia o le au amioletonu, ua fai lea ma auala ua tatou fesiligia ai le Atua.
- Ona o le itiiti ma le vaivai o tatou loto talitonu, lea tatou te tuufesilisi ai pea, pe aisea, ua tatou lailoa ma mafatia ai, a o loo manuia pea le au fa’atuiala ma le au amio leaga.

Tatalo Manaoga:

- Ina ia aumaia lona malosi, tatou te malolosi ai, ma fa’atuatua pea i le Atua, pe a oo ina tatou fesagai ma puapuaga.
- Ina ia tatou maua pea le loto talitonu ma le loto tele, tatou te mafai ai ona laa i tua atu o fa’afitauli tatou te fesagai.

Oketopa 12

Tusi Faitau – Salamo 127: 3-5

Matua: f.3 – *“Fa’auta, o fanau o tofi lea mai i le Alii, o e ua fanau mai, o le tau i lea mai ia te ia.”*

AUTU: “O FANAU O LE TOFI MA LE MEA ALOFA MAI I LE ATUA”

Tatalo Fa’afetai:

- Ona o fanau, mea alofa ma tofi mai i le Atua e fa’atagataina ai ‘āiga, nuu, mālō ma atunuu.
- Ona o matua ma ‘āiga ia o loo latou tausii, a’oa’oina ma fa’afailele fanau ina ia tutupu a’e, ma avea i latou ma e matata’u i le Atua.

Tatalo Fa’atoesega:

- Ona o lo tatou fa’atamala i le tausiga, a’oa’oina ma le fa’afaileleina o fanau, ua afua ai ona lē avea i latou e fai ma o tatou tofi.
- Ona ua leai se ava, lē fa’alogo, ma ua lē matata’u fo’i fanau o aso nei i o latou matua, tagata matutua, ae o’o a fo’i i le Atua.

Tatalo Manaoga:

- Ia leoleo ma puipui le tuputupu a’e o fanau i lenei vaitau o suiga ma lu’itau eseese o le olaga.
- Ia tapena ma saunia fanau, e auala mai ai faamanuiaga a le Atua i le lumanai mo aiga, nuu, atunuu, ma Ekalesia.

Oketopa 19

Tusi Faitau – Efeso 2: 11-22

Matua: f.13 – *“A o ona po nei, ona o Keriso Iesu, o outou sa vavamamao anamua, ua fa’alatalata mai ai i le toto o Keriso.”*

AUTU: “E FAIA E LE ALII LE ESE’ESEGA”

Tatalo Fa’afetai:

- Ona o le ese’esega lea sa ia faia mo le lalolagi, o Iesu Keriso ma le taulaga togiola lea sa ia saunia mo tatou tagata fa’atuatua.
- Ona o ia lea ua na liliuina le lalolagi ma tagata fa’atuatua, mai o tatou tagata tuai e avea ma tagata fou e ala i le fa’atuatua.

Tatalo Fa’atoesega:

- Ona e tele taimi ua tatou tautu ai pea i le tuanai ma mea ua tatou manuia ai, a ua lē mafai ona fa’afouina ai o tatou tagata.
- Ua tatou le iloa lo tatou eseese ma le lalolagi agasala, ua tosina ai o tatou tagata i tuinanauga o le olaga.

Tatalo Manaoga:

- Ina ia auina mai lona mana, na te fa'afouina ma liliuina o tatou tagata tuai e avea ma tagaa fou e tautu i le Atua.
- Ina ia faia pea se ese'esega i lo outou soifua ma lo tatou ola. Suia mai i mea tuai ae fafouina i se soifuaga fou.

Oketopa 26

Tusi Faitau – Mataio 9: 36-38

Matua: f.36 – *“Ua silafia e ia le motu o tagata, ona mutimutivale ai lea o lona alofa.”*

AUTU: “O LE ALOFA MUTIMUTIVALE, E AFUA MAI AI GALUEGA LELEI”

Tatalo Fa'afetai:

- Ona o le fa'aailoga o lona alofa mutimutivale, o Iesu Keriso, lea na ia fa'atino ai vavega tetele i lana galuega i lenei lalolagi.
- Ona o galuega mamana a le Alii lea ua manuia ai le Ekalesia, ina ua tatou fa'atino le alofa lea i o tatou uso.

Tatalo Fa'atoesega:

- Ona o loo tatou vaايا pea i latou o loo mafatia ma tigaina i avega, a ua lē mafai ona tatou ofoina atu le fesoasoani.
- Ona e tele taimi ua lē mafai ai ona tatou fa'aalia le alofa ma le alofa mutimutivale o le Alii, mo e o loo moomia.

Tatalo Manaoga:

- Ina ia fa'aalia pea lona alofa mutimutivale i le lalolagi, a o fevataua'i mālō, ma malosi foi le tulai mai o le au fa'atupu fa'alavelave, lea o loo pagatia ma afaina ai le toatele o tagata.
- Ina ia maua pea e i latou o tigaina ma mafatia, le mafanafana o le mafuta mai o le Atua, na te fa'amalosi au mai.

Novema 02, 2024

Tusi Faitau – Eperu 2: 1-2

Matua: f.1 – *“O le mea lea e tatau ona tatou naunau i mea ua tatou fa'alogologo i ai, nei tea ese i tatou ma ia mea.”*

AUTU: “IA FA'ALOGO, LAGONA, MA USIUSITA'I”

Tatalo Fa'afetai:

- Ona o le fa'amanatu mai i le Ekalesia ma o tatou tagata fa'atuatua, ina ia taofimau i a'oa'oga ua tatou fa'alogo i ai.
- Ona o le fesoasoani a lona Agaga Paia i le Ekalesia, lea e afua ai ona tatou lagona a'oa'oga tāua o loo tatou fa'alogo ai.

Tatalo Fa'atoesega:

- Ona o lo tatou fa'agaloina i le tele o taimi, a'oa'oga tāua o loo a'oa'oina ai o tatou tagata fa'atuatua.
- Ona o lo tatou vaivai i le tele o taimi, ma ua lē mafai ai ona tatou lagonaina a'oa'oga a le Tusi Paia aemaise ai o le musumusuga a le Agaga mo o tatou tagata.

Tatalo Manaoga:

- Ina ia manino la tatou fa'alogo ma ia o tatou malamalama, ma tatou taofimauina, ina ia tatou lē alo ese ai.
- Ina ia maua pea e le Ekalesia ma o tatou tagata fa'atuatua, le mana o le Agaga Paia, na te fa'atonutonuina i tatou e tutumau i a'oa'oga a le Alii, ae 'aua tatou te aloese ai.

Novema 09

Tusi Faitau – Mataio 6: 9-15

Matua: f.14 – *“Auā afai tou te fa'amagaloina atu tagata i a latou agasala, e fa'amagaloina fo'i outou e lo outou Tamā o i le lagi.”*

AUTU: “FA'AMAGALO”

Tatalo Fa'afetai:

- Ona o lona totoina o le loto fa'amagalo i o tatou tagata fa'atuatua, lea o loo mafai ai ona tatou maua le loto fa'amagalo.
- Ona o le taulaga togiola lea na saunia e Keriso, ua avea ma taula o le loto fa'amagalo o le au fa'atuatua.

Tatalo Fa'atoesega:

- Ona o lo tatou tau ma sui.
- Ona e ui lava ina poloaiina ma a'oa'o mai le Alii ina ia tatou fa'amagalo atu, a ua lē mafai ona tatou fa'atinoina.

Tatalo Manaoga:

- Ina ia fesoasoani mai le Agaga o le Atua, na te totoina i o tatou tagata fa'atuatua le loto fa'amagalo.
- Ina ia iloa e le lalolagi, o le ola fa'amagalo e maua ai le nonofo fealofani.

Novema 16

Tusi Faitau – Luka 14: 15-24

Matua: ff. 17-18 – *“Ia outou omai, auā ua uma ona saunia mea uma, ona latou fealoalofa’i ai lea, ua tasi le loto.”*

AUTU: “AVE LE FA’AMUAMUA I LE MEA AUPITO I TAUA”

Tatalo Fa’afetai:

- Ona ua ia valaauina tagata uma ina ia auai i lona mālō, a ua ia lē fa’ailogaloga tagata.
- Ona ua fa’aavanoaina mo i tatou lona mālō ona ua te’ena e nisi lea avanoa tāua.

Tatalo Fa’atoesega:

- Ona o le tele o a tatou fa’anoi ma mea o loo tatou alo ma sisi’o i ai, o lana valaau ina ia fai i tatou ma ana meafaigaluega.
- Ona o lo tatou fa’atūtūgatā, tatou te talia lana valaau, ona o mea ia o loo tatou fa’atāuaina ma ave i ai la tatou fa’amuamua.

Tatalo Manaoga:

- Ina ia foai mai le malosi ma le loto tele, tatou te fa’avasega lelei ai mea tāua ma mea aupito i tāua, e ave i ai le fa’amuamua.
- Ina ia tatou maua pea le avanoa, e avea ai i tatou ma tagata fa’atuatua, e ui ai i lo tatou fa’atūtūgatā.

Novema 23

Tusi Faitau – Salamo 107: 1-9

Matua: f.1 – *“Vivii atu ia outou i le Alii, auā e lelei lava o ia, auā e fa’avavau lava lona alofa.”*

AUTU: “IA MAUA LE AGAGA FA’AFETAI”

Tatalo Fa’afetai:

- Ona o le manuia, filemu ma le tamaoaiiga lea o loo ia fa’asafua ma fa’asoa mai i o tatou tagata i aso uma lava.
- Ona o le taulaga togiola na saunia e lona alo, a o loo tatou fa’aola o Iesu Keriso, lea ua tatou mau tofi ai i lona mālō e fa’avavau.

Tatalo Fa’atoesega:

- Ona o loo tatou fa’atautala ma loo tatou fa’atalalē i le sosia ma le tamaoaiiga lea o loo ia fa’atamaoaiigaina ai o tatou tagata.
- Ona o loo tatou masalosalo ma tatou lē fa’atuatua ina o ia, pe a oo ina tatou matitiva ma lē tagolima i nisi taimi loo tatou ola.

Tatalo Manaoga:

- Ina ia le gata ina fa'amanuia ma fa'atamaoiga ina o tatou tagata fa'atuatua, a ia o tatou iloa foi ona fa'asafua ma fa'asoa atu mea ua tatou maua mo e matitiva ma lē tagolima.
- Ina ia iloa e o tatou tagata fa'atuatua ona ofo atu le viiga ma le fa'afetai i le Atua, e oo a i taimi tatou te lē tagolima ai.

Novema 30

Tusi Faitau – 1 Peteru 2: 3-10

Matua: f.9 – *“E maua foi le i’uga o lo outou fa’atuatua, o le fa’aolaina lea o outou.”*

AUTU: “E ILOGA LE FA’AMAONI O LE ATUA”

Tatalo Fa’afetai:

- Ona o le fa’amaoni o lona alofa, o loo ia malu puipuia ai pea o tatou tagata.
- Ona o le fa’aaliga o lona alofa tunoa ma lona fa’amaoni, na ia auina mai lona alo pele e togiolaina o tatou tagata agasala.

Tatalo Fa’atoesega:

- Auā e ui lava i lona alofa ma lona fa’amaoni, a ua lē mafai ona tatou fa’amaoni ia te ia.
- Auā e ui lava ua uma ona folafolaina mai le iuga mo tatou, a ua lē mafai ona tatou mulimulita’i ia te ia ma lona finagalo.

Tatalo Manaoga:

- Ina ia maua pea e le Ekalesia ma o tatou tagata le malosia tatou te tauivi ai pea.
- Ina ia taulai pea la tatou vaai i manuia lea ua uma ona folafolaina mai mo tatou tagata fa’atuatua.

Tesema 07, 2024

Tusi Faitau – Luka 15: 1-7

Matua: f.6 – *“A oo atu foi i lona ‘āiga, ua fa’apotopoto ai ana uo ma e e tuāoi ma ia, ua fai atu ia tei latou, ia tatou olioli ia ma a’u, auā ua ou maua la’u mamoe na se.”*

AUTU: “E OLIOLI LE ATUA, INA UA IA TOE MAUA O TATOU TAGATA AGASALA”

Tatalo Fa’afetai:

- Auā e ui lava ina tatou agasala ma fulitua ia te a, a o loo ia saili mai pea ona o le fia fa'afoisia atu o i tatou ia te ia.
- Ona o lona tulituliloaina pea o o tatou tagata agasala i lona lava alofa tunoa.

Tatalo Fa'atoesega:

- Auā e ui lava i lona agalelei ma lona alofa tunoa, a o loo tatou fulitua pea ia te ia ma lona finagalo i le tele o taimi.
- Auā tatou te lē o lagona lona valaau mai ina ia tatou liliu ma fo'i atu ia te ia.

Tatalo Manaoga:

- Ina ia fesoasoani mai lona Agaga ina ia tatou lagona pea lona alofa tunoa, ma ia tatou liliu ma fo'i atu i le Atua.
- Ina ia tatou iloa lona lava alofa tunoa, ma ia tatou tausi pea i lona lava finagalo mo i tatou.

Tesema 14

Tusi Faitau – Mataio 11: 25-30

Matua: f.27 – *“Ua tuuina mai mea uma ia te a'u e lo'u tamā, e leai fo'i se tasi ua iloa le tamā, ua na o le atalii, ma se ua loto le atalii e fa'aali atu i ai.”*

AUTU: “E FA'APEFEA ONA TATOU ILOA LE ATUA?”

Tatalo Fa'afetai:

- Aua ua le gata ina fa'aalitinoina mai o ia ia Iesu Keriso, a ua fa'aalia foi i lana au fa'atuatua, i mea o loo ia faia mo i tatou.
- Ona o lona agalelei, lea o loo ia fa'ailoa mai ai o ia i lana foafoaga ma mea na ia faia.

Tatalo Fa'atoesega:

- Ona ua avea le oa ma le tamaoaiga ma le manuia o loo tatou maua, ma mea ua lē mafai ai ona tatou iloa o ia i le tele o taimi.
- Aua ua lē mafai e le Ekalesia ma o tatou tagata fa'atuatua ona iloa le Atua, talu lo tatou fa'avaivai ma lo tatou fa'atalalē.

Tatalo Manaoga:

- Ina ia fesoasoani mai lona Agaga ina ia tatou iloa manino le Atua ma lona finagalo mo tatou tagata i nei ona po.
- Ina ia avea pea le Ekalesia ma le au fa'atuatua ma le latou molimau, e fai ma auala e fa'ailoa ai le Atua i le lalolagi.

Tesema 21

Tusi Faitau – Ioane 1: 1-5; 14

Matua: f.14 – *“Ua liutino tagata le upu, sa mau fo’i o ia ma i tatou, na matou matamata i lona mamalu, o le mamalu lava lea o le alo e toatasi o le Tamā, ua tumu o ia i le alofa tunoa ma le fa’amaoni.”*

AUTU: “UA LIUTINO TAGATA LE UPU”

Tatalo Fa’afetai:

- Ona o lona liutino tagata ia Iesu Keriso, lea na ia saunia ai le taulaga togiola, ua fa’aolaina ai le lalolagi agasala.

Tatalo Fa’atoesega:

- Ona ua avea o tatou uiga ma amioga e fai ma auala ua faigata ai ona iloa e le lalolagi le Atua na liutino tagata.
- Ina ua avea le vaitau o le liutino tagata o le Atua, ma vaitau tatou te fai patī ai.

Tatalo Manaoga:

- Ina ia fa’aalia e le Ekalesia ma lana au fa’atuatua, le uiga o le vaitau ativeni lea o loo tatou iai.

Tesema 28

Tusi Faitau – Mataio 2: 1-10

Matua: f.10- *“Ua latou iloa le fetu, ona matua tele ai lea o lo latou fafa.”*

AUTU: “O LE ATAMAI UA FA’AALI E MAKOI”

Tatalo Fa’afetai:

- Ona o lana tausiga ma lana puipuiga, lea ua tatou aulia manuia mai ai le fa’atausi’usi’uga o lenei tausag.
- Auā e ui ina fesouaina la tatou faigamalaga, ae sa ia lima ta’ita’ina pea lana Ekalesia i lona lava alofa tunoa.

Tatalo Fa’atoesega:

- Ona o lo tatou fa’atauagavale ma lo tatou mnatu māmā ia te ia ma lona alofa tunoa i la tatou savaliga i lenei tausaga atoa.

Tatalo Manaoga:

- Ina ia puipuia ma malutia lo tatou ola i la tatou savaliga i le iuga o lenei tausaga.
- Ina ia foai mai e le Atua le malosī tatou te galulue ai i lana galuega i le agai atu i lena tausaga fou.



Tautua Printing Press
1 Kanana Fou St, P.O. Box 1537
Kanana Fou, American Samoa 96799
(684) 699-9810
<https://efkasonline.org>